



香讚

爐香乍爇法界蒙熏諸佛海會悉遙聞  
 隨處結祥雲誠意方殷諸佛現全身  
 南無香雲蓋菩薩摩訶薩三稱

普賢王菩薩

象駕光臨

慈悲地藏寶懺 卷上

有一菩薩結跏趺坐名曰普賢  
 身白玉色五十種光光五十種色  
 以為項光身諸毛孔流出金光  
 其金光端無量化佛諸化菩薩  
 以為眷屬安詳徐步雨大寶華



至行者前其象開口於象牙上  
諸池玉女鼓樂絃歌其聲微妙  
讚歎大乘一實之道行者見已  
歡喜敬禮復更讀誦甚深經典  
徧禮十方無量諸佛禮多寶佛塔  
慈悲地藏寶懺 卷上 二

及釋迦牟尼并禮普賢諸大菩薩  
發是誓願若我宿福應見普賢  
願尊者徧吉示我色身  
南無普賢王菩薩摩訶薩 三稱

一切恭敬

一心頂禮十方法界常住佛  
一心頂禮十方法界常住僧  
一心頂禮十方方法界常住僧  
是諸眾等各各胡跪嚴持香華如法供  
養

慈悲地藏寶懺 卷上

三

願此香華徧十方以爲微妙光明臺  
諸天音樂天寶香諸天肴饍天寶衣  
不可思議妙法塵一一塵出一切塵  
一一塵出一切法旋轉無礙互莊嚴  
徧至十方三寶前十方方法界三寶前

皆有我身修供養一一皆悉徧法界  
彼彼無雜無障礙盡未來際作佛事  
普熏法界諸眾生蒙熏皆發菩提心  
同入無生證佛智

願此香華雲徧滿十方界

慈悲地藏寶懺 卷上

四

供養一切佛尊法諸菩薩  
緣覺聲聞眾及一切天仙  
以起光明臺過於無邊界  
無邊佛土中受用作佛事  
普熏諸眾生皆發菩提心



南無寶曇華菩薩摩訶薩三稱

釋迦如來證明禮懺宣疏通誠悉如常

舉讚佛偈

佛智真如清淨月無緣寂照朗虛空  
斯心盡處是菩提是故志心皈命禮

慈悲地藏寶懺 卷上

五

啓運慈悲地藏懺法

今當皈命三世諸佛

南無過去毘婆尸佛南無尸棄佛

南無毘舍浮佛南無拘留孫佛

南無拘那含牟尼佛南無迦葉佛

南無本師釋迦牟尼佛

南無當來彌勒尊佛南無地藏王菩薩

無上甚深微妙法百千萬劫難遭遇

我今見聞得受持願解如來真實義

慈悲地藏懺法卷上

慈悲地藏寶懺 卷上

六

建此地藏菩薩慈悲懺法者為令一切

眾生發歡喜心成善法益而興懺法為

令一切眾生破除煩惱成對治益而見

懺法亦令一切眾生從戒定慧自聞思

修成五根力得生善益而修懺法復令

一切眾生修世出世業證第一義入理

益故而行懺法良以法界一切眾生皆

由不如實知真如法一不守真常動轉

業現妄起無明境界為緣覺心凝寂旋

乖法性相續徧計取執自他展轉相因

慈悲地藏寶懺 卷上

七

善惡果報無記三性苦樂迭奏如谷隨

聲臨鏡現影遂有凡倫生起諸相昇沉

輪替羈鎖難離法性元明於是汨沒故

曰三界唯心萬法唯識悟唯心之妙理

罪福同是空華迷法性之圓明善惡無



非實果所以輪迴三有遠涅槃山漩澗  
四生入生死海波波造業岌岌爲愆垢  
如山積易塞真空惑似冰堅難分俗諦  
機感我佛應入娑婆地藏慈尊雲臻大  
集垂形月印降跡星羅運同體之慈仁

慈悲地藏寶懺 卷上

八

濟有情於苦海垂無緣之悲仰度六道  
於愛河蕩滌塵緣湔除惑垢以是因緣  
懺摩爰啓奈何某等妄境迷心幻緣翳  
識自從曠劫報入娑婆因無明而順業  
愚分真俗親疏稟有識以違仁孰辯賢  
惡可否縱酒昏迷恆無智慧縱欲敗度  
每有愚癡恃己聰明陵人傲物依他起  
見自實愆尤所有之過惡無窮招報之  
年期不既若不懺滌於身心必致罪彌  
於宇宙計招業報定入三塗盡未來時

慈悲地藏寶懺 卷上

九

何由解脫故某等今日率諸淨信廣具  
香華普設供養結水月之壇儀行懺摩  
之法事求哀悔過發露披陳已作之罪  
悉冀消滅未作之愆不敢復造是故  
皈依十方盡虛空界一切諸佛一拜

皈依十方盡虛空界一切尊法一拜  
皈依十方盡虛空界一切聖僧一拜  
次復志誠皈敬啓請梵王帝釋護世四  
王天龍八部業道冥王應現我前證知  
懺悔是故某等宜各志誠五體投地如

慈悲地藏寶懺 卷上

一〇

泰山崩皈命頂禮一切諸佛  
南無本師釋迦牟尼佛  
南無阿彌陀佛 南無彌勒尊佛  
南無師子奮迅具足萬行佛  
南無覺華定自在王佛



南無一切智成就佛 南無清淨蓮華目佛

南無袈裟幢佛

南無師子吼自在力王佛

南無功德雲佛 南無文殊師利菩薩

南無普賢願王菩薩 南無財首菩薩

慈悲地藏寶懺 卷上

一一

南無阿逸多菩薩 南無定自在王菩薩

南無觀世音菩薩

南無本尊地藏王菩薩

禮諸佛已次復懺悔某等從無始以來

至于今日皆由不信三世諸佛是皈依

主不信五時妙法是甘露食不信六和

聖賢是導迷師所以輪迴三界隨順妄

習往復四生逆生死流迷淪苦海無解

脫期而我等雖復麤知三寶曾未發心

修行尤與一切眾生內計我我外逐妄

慈悲地藏寶懺 卷上

一二

緣稱三毒根隨六塵境徧造五逆十惡

廣興殺盜淫欺乃至廣開八萬四千諸

塵勞門障閉八萬四千諸般若道三善

路截四惡道通無始至今尚在凡夫故

大覺世尊地藏菩薩雲集忉利深起哀

憐報本垂慈教行懺悔夫論懺悔者必

先懺悔三毒五逆元首消除業無生起

則六根十惡欲造無由塵勞門閉妙行

斯前勝境冥通菩提可逮故某等今日

生增上心立堅固行以為滅罪方便則

慈悲地藏寶懺 卷上

一三

三毒六根及緣生諸法自然應念消忘

修行自在是故今日求哀懺悔然行懺

者當知惑業各有元由使我流轉三毒

是咎於是先懺三毒惑因次悔惡業苦

果何以故爾苦因業有業由惑成生起



連環三世不息。生起元由，仍歸意地。妄起故身口業，隨而此意業，復有三名。一日慳貪，二號瞋恚，三是疑癡。由疑癡故，頓起結使，故知百千煩惱，咸根三毒。能令眾生常在三途。然有三途者，皆由

慈悲地藏寶懺 卷上

一四

三毒滋潤，故招生死輪迴。若諸眾生，縱脫泥犁，得還人道，復受貧窮、孤露之身。以酬慳貪，不信佛故。若有眾生，餓鬼罪畢，得還人倫，復受兇狠、頑鈍之軀。以酬不信大乘之報。若有眾生，脫旁生道，生

人倫中，愚癡無智，如醉如癡。以酬不隨眾中修學之故。以是因緣，郵傳三道。雖其受報，千差察其本源，各從意地。業既有如斯苦報，豈得安然而不懺悔。然此三種，俱名為毒者，蓋能滅一切眾生

慈悲地藏寶懺 卷上

一五

法身慧命，故亦名此煩惱。以為無明昏亂，能以昏煩之法，惱亂眾生。故亦名此煩惱。以為染污無知，能蓋蘊真，如清淨理故，亦名此煩惱。以為怨賊，能滅眾生五分法身，與功德法財，故亦名此煩惱。

以為愛河汨沒，眾生於生死海，不能到涅槃岸。故亦名此煩惱。以為牢獄，能桎梏眾生，不得解脫自在。故如是煩惱，繚連六道，細縛眾生，造業無邊，輪迴不絕。皆由此煩惱，以為賊媒，嫁禍千差，娶苦

慈悲地藏寶懺 卷上

一六

萬別是故，某等今日，志誠求哀懺悔。如是三毒，應念屏除。又念某等，無始來今，身既人間受報，雖復修行善法，而於一止二觀，三因四緣，五蘊六蔽，七趣八倒，九有十境，十一徧使，十二重城，十六知



見十八界二十隨二十五我六十二見  
八十八見惑九十一思惟百八枝末塵  
勞八萬四千煩惱各隨本數俱係無明  
晝夜熾然煎逼識浪局迫心源開諸漏  
海湧沒真如惱亂賢聖六道四生迷惑  
慈悲地藏寶懺 卷上 一七  
三空障蔽六度如是煩惱彌覆覺明果  
報嬰心身難逃是故今日哀懇慈尊  
受我殷勤志心懺悔煩惱結習一念冰  
清聞思修業行解圓成仰願十方三寶  
十輪地藏能仁以本慈力以本悲力誓  
願神通之力攝受我等求哀發露一切  
煩惱皆悉伏斷行願精明菩提果熟一  
切生因永不復受相與志心等一痛切  
五體投地如大山崩虔恭運想十方頂  
禮一切諸佛

慈悲地藏寶懺 卷上

一八

南無釋迦牟尼佛 南無阿彌陀佛  
南無彌勒尊佛 南無無邊身佛  
南無寶勝佛 南無波頭摩勝佛  
南無寶相佛 南無師子吼佛  
南無淨月佛 南無大通山王佛

南無文殊師利菩薩 南無普賢菩薩  
南無觀世音菩薩 南無定自在王菩薩  
南無無盡意菩薩 南無大勢至菩薩  
南無地藏王菩薩 南無地持菩薩  
禮諸佛已次復懺悔夫懺悔者蓋論改

慈悲地藏寶懺 卷上

一九

往修來自新悔故然現業易制修行可  
達宿習難除必假懺法今夫行人好正  
而固邪欲潔而偏染不教而自能不願  
而自為隱然若有驅策而不能已者宿  
習之所使也德隆而行鄙行善而身凶



多障多歎數病數惱綿然若有機緘而不能釋者結業之所招也茲非一生一劫之緣乃是無始以來念念受熏種子異熟現行牽成故非懺悔莫能釋之然欲懺已往之愆尤必藉當來之行業以

慈悲地藏寶懺 卷上

一一〇

致入聖超凡咸從斯舉當從佛語如法修行而先須知止正心誠意明德知止定靜則諸惡不作正心安慮則眾善必行誠意格物則已往之愆尤可釋明德自新則將來之福慧可期莫疑小善以

爲無福小善不作何以成聖莫疑小惡以爲便行小惡若積足以滅身各宜努力同懺愆尤經云罪性本空由心妄造而福體無基皆從心得罪既從空以妄造福亦自心以覓址而某甲等既未離

慈悲地藏寶懺 卷上

一一一

於凡地觸向都非事非資於聖典懺悔何崇是故今日起勇猛心發精勤志懺悔夙愆然懺悔功德力不思議何以故天上五衰相現懺之仍復天倫人間弒逆報熟悔之復還人道能令行人得安

隱樂若能努力投誠志心發露三障愆尤自然消滅是故某等求哀懺悔又復自從無始生死以來因無明故果報奚窮由煩惱性造十惡業耽染愛著貪欲奮馳結色留愛情欲煩惱瞋恚交爭忿

慈悲地藏寶懺 卷上

一一二

恨自他懷害無過殺業煩惱性識愚癡不分善惡惟色惟心昏憤煩惱我及我所陵人傲物盜竊名器上慢煩惱疑惑聖教邪正不知進止難決猶豫煩惱撥無因果著斷著常永墮見坑戒禁煩惱



不識緣假身受心法執計四倒迷於三世誤已誤人常在三途邊見煩惱親近惡友疏遠善人無理正知身見煩惱是二十隨纏縛三界徧受四生展轉輪迴無有罷期今某甲等發露求哀皆悉懺

慈悲地藏寶懺 卷上

一一三

悔又復於中隨煩惱性無慚無愧不畏鬼神不知因果造罪無邊曾未懺悔又復慳貪己物悖不與人見他財寶枉取貪求奢誕五情不懷六念放逸身心不攝煩惱心行弊惡道違清規偏行慘刻

不忍煩惱是法怠惰非理精明悠悠緩不動煩惱靜慮躁動進止沉凝縱心自恣不勗煩惱觸境生意不辯是非掉舉失念無知煩惱瞋譏苦樂毀譽利衰逐情奔逸矯亂煩惱阿佞時態諂曲糾

慈悲地藏寶懺 卷上

一一四

紛覆藏隱善不直心煩惱易忿難悅嫉妒良善諂誑愛僥害毒煩惱面是背非乖經違典非理蠱人循情屈己謂合時宜乃至苦集滅道世出世間十二因緣順觀生起反觀還滅輪轉煩惱致於塵

沙障乎化道無知止於中途構起六麤動轉三細皆由煩惱性惡蓋覆心地秘藏如是惑因幻造業果故我今日求哀懺悔乘今日精進之力及諸佛神通之力十使永息三毒頓忘三惑煩惱令盡

慈悲地藏寶懺 卷上

一一五

無餘三途解脫於身心一念無忘於智地開七覺華證十地果與佛菩薩同獲無生廣及自他入心地藏懺悔發願已皈依禮常住三寶

慈悲地藏懺法卷上終



心地秘藏煩惱糾纏因之身口意相連  
造罪廣無邊稽首金仙眾惡一時蠲  
南無地藏王菩薩摩訶薩 三稱

悲愍為莖智慧葉 三昧為鬚解脫敷  
菩薩蜂王食甘露 我今敬禮佛蓮華  
慈悲地藏懺法卷中  
一切諸佛愍念眾生為說慈悲地藏懺  
法今當皈命一切諸佛

南無釋迦牟尼佛 南無阿彌陀佛  
南無當來彌勒佛 南無山王佛  
南無智成就佛 南無淨名王佛  
南無妙聲佛 南無無上月佛  
慈悲地藏寶懺 卷中

南無月面佛 南無三世諸佛  
南無文殊師利菩薩 南無普賢菩薩  
南無觀世音菩薩 南無普廣菩薩  
南無虛空藏菩薩 南無金剛藏菩薩  
南無地藏王菩薩

禮諸佛已次復懺悔上來略懺煩惱障  
竟惑障清淨業因不繼業無偶匹造罪  
何由次當懺悔業障業相雖多有漏無  
漏黑白檢之收無不盡然佛言五戒儒  
說五常常戒雖殊體本元一克己復仁

慈心不殺見利思義不與不取非禮不  
視寧許奸邪言可翻覆信則斷金嗜酒  
滅身妄言敗德堅持常戒人道無虧此  
五善業有漏同名以不能超越同居界  
故復有勝倫不惟慳己以物惠他不特



不殺性嗜好生雖未離淫進止有節讚  
美十善歎護一乘攝散精勤修未到定  
果感地居主小千界報似勝人皆歸有  
漏更復有人厭欲苦麤欣色淨妙修四  
種定感十八種天雖伏煩惱尚未斷滅

慈悲地藏寶懺 卷中

二九

色漏未除復有深機厭色牢籠盡識歸  
空觀空想滅以無所處滅盡頂天壽經  
沙劫復墜輪迴未獲無生亦名有漏如  
向若人若天雖修善業不出輪迴俱名  
黑業若修禪觀依止觀空始五停心總  
別相境身受心法次第觀成行三十七  
品之助道觀一十六行之正修破八十  
八之見使得證見道除九十一之思惟  
身證無生心境寂滅以證偏空離五蘊  
山出生死海居涅槃頂於法無爲不得

慈悲地藏寶懺 卷中

三〇

度生未名菩薩若於中乘因緣體法從  
無明緣行乃至憂悲苦惱自無明滅憂  
悲苦惱亦滅如是順逆體法惑寂智滅  
疾證無爲病在無機並收小果若夫菩  
薩名大乘者自身未度先度眾生發僧  
那於始心終大悲而赴難廣行六度功  
越三祇修漏無漏之慧業獲生無生之  
慈悲開佛見知證極自性合本有之靈  
明悟心地之秘藏心佛眾生同歸三德  
而已奈某等所以不能解脫者皆由性

慈悲地藏寶懺 卷中

三一

識無定逐境生心染習結業淨習結果  
爲善爲惡曾未暫停輪迴五道徧歷四  
生動經塵劫迷惑障難如魚遊網將逝  
長流脫或暫出又復遇網但因妄見妄  
習發生郵傳三界旅邸四生出沒不停



自招劇咎皆由十種妄習不得解脫云  
何爲十一者淫習交接二者貪習交吸  
三者慢習交陵四者瞋習交衝五者詐  
習交誘六者誑習交誣七者怨習交嫌  
八者見習交明九者枉習交加十者訟

慈悲地藏寶懺 卷中

三三

習交誼由斯十習造十惡果皆由六根  
種種構造致地獄報六根交受以是因

緣故當懺悔

第一先懺淫習者男女根境交接相磨  
研磨不止搖動根塵汝憐我色我愛汝

心日月歲深轉復尫瘵眠夢不安身肢  
疼痛慘悽不樂臨欲命終父母妻孥恫

傷死別亡者神識晝夜長行去無遮止  
即身應受業報鐵床經劫受苦無量無

邊是故諸佛色目行淫同名慾火菩薩  
見淫如避火坑我與眾生無始來今而

慈悲地藏寶懺 卷中

三三

元不知遠離色欲避淫火坑於内外境  
男女身分迷色迷心廣造醜業自破淨  
戒毀他性遮恥他門戶壞賢節名不男  
不女五種非人或比丘尼亦嗜欲習造

地獄因受無量苦故於今日恭對聖賢  
剖露披陳求哀懺悔願十方佛地藏能

仁傾甘露水湔除罪垢使我無始欲習  
化爲尸羅淨緣究竟菩提成就戒德登

歡喜地永截輪迴

慈悲地藏寶懺 卷中

三四

第二懺悔貪習者貪習業現發於相吸  
吸引不止滋蔓貪根猶如磁石鐵鍼同  
倫知足之人雖貧亦樂知足者富更  
愈求殊不知富招極禍喪家失命眷屬  
分離更有三緣不求自至或遭水火無



妄橫罹或生逆子弛法凋殘消瘦家園  
苦等剜肉縱能善禦耗散無期是故諸  
佛色目多求同名貪水菩薩見貪如避  
瘴海我與眾等無始來今而全不知多  
求多苦不離瘴海輕重寶物利祿公私

慈悲地藏寶懺 卷中

三五

枉騁馳求相吸惡取劫奪剽掠橫毒良  
民於三寶財混亂雜用托公私益偷越  
關津盜竊銖銖欺瞞圭合以麤易好以  
短換長巧計百端希望毫釐益我貪心  
貪得無厭至受輪迴故我今日懇佛哀

憐受我懺悔所有貪業皆悉消除乘斯  
禮懺功德增伊檀度焚熏以此勝因滿  
波羅蜜究獲淨心登離垢地  
第三懺悔慢習者慢習交陵發於相恃  
馳流不息騰逸奔波無明海闊積水貪

慈悲地藏寶懺 卷中

三六

深如人口舌自相綿味因而水生彼此  
相鼓累劫成仇相攻辯駁訟及經生死  
有血湖灰河熱沙洋銅灌口等報是故  
諸佛色目我慢同名癡海菩薩見慢如  
避巨溺某及眾等無始至今而渾不知

癡慢水溺隨世八風波浪千疊漂生死  
海沉慢見河張僑慢帆入無明流泳洋  
沈淪無有出日又復或恃種性僑慢餘  
人或以聰明輕欺後學乃至未得謂得  
未證謂證妄竊道器訛述後生如是等

慈悲地藏寶懺 卷中

三七

慢不可具說恭對三寶悉皆懺悔願某  
靜慮圓成忍波羅蜜越慢溺海登涅槃  
山發智光明入一乘地  
第四懺悔瞋習者瞋習交衝發於相忤  
忤結不息心熱發火鑄氣爲金鬪生惡



業。生。有。刀。輪。劍。戟。斧。鉞。鋸。鎗。是。生。衝。怨。  
殺。氣。飛。動。瞋。習。相。擊。則。有。宮。劊。斬。剗。剗。  
刺。槌。擊。等。報。是。故。諸。佛。色。目。瞋。恚。同。名。  
刀。劍。菩。薩。見。瞋。如。避。誅。戮。我。與。眾。等。無。  
始。來。今。而。曾。不。知。瞋。恚。惡。習。攬。斯。交。衝。

慈悲地藏寶懺 卷中

三八

師。瞋。弟。子。弟。子。瞋。師。父。母。六。親。姻。戚。故。  
舊。鄰。里。鄉。黨。更。互。相。衝。紊。然。較。計。誓。不。  
和。諧。不。念。自。無。慧。力。彼。有。福。緣。妄。爭。高。  
下。競。結。怨。仇。自。有。愆。尤。多。方。文。飾。他。眇。  
過。失。廣。為。簸。颺。如。是。瞋。恚。無。量。無。邊。故。

我。今。者。恭。對。聖。賢。所。有。瞋。習。悉。皆。懺。悔。  
精。進。止。觀。成。波。羅。蜜。燄。慧。增。明。證。無。上。  
道。廣。與。眾。生。同。登。四。地。  
第。五。懺。悔。詐。習。者。詐。習。交。誘。發。於。相。掉。  
相。嘲。不。住。引。起。煩。惱。如。水。浸。田。稗。莠。生。

慈悲地藏寶懺 卷中

三九

長。荒。蕪。良。稼。善。穀。不。生。詐。習。相。延。是。非。  
空。構。矯。設。異。議。罔。冒。豪。雄。彈。壓。彼。此。欺。  
詐。自。他。曲。媚。時。宜。相。加。枉。直。則。有。扭。械。  
枷。鎖。杖。笞。棒。撾。等。報。是。故。諸。佛。色。目。奸。  
偽。同。名。讒。賊。菩。薩。見。詐。如。畏。豺。狼。我。與。

眾。等。無。始。至。今。而。宛。不。知。詐。偽。豺。狼。讒。  
人。如。是。反。趁。夙。習。徧。起。諂。佞。倚。仗。豪。門。  
顛。覆。良。第。不。任。忠。信。徧。詐。無。辜。遞。相。誘。  
引。非。作。非。為。捨。於。八。正。邪。命。邪。求。亡。身。  
喪。命。俱。係。詐。緣。如。是。等。因。造。無。量。罪。終。

慈悲地藏寶懺 卷中

四〇

招。苦。果。無。由。出。離。故。我。今。日。恭。對。聖。賢。  
求。哀。懺。悔。唯。願。三。寶。地。藏。慈。尊。哀。憐。攝。  
受。證。我。披。陳。上。來。五。習。等。一。消。除。三。昧。  
總。持。入。那。伽。定。禪。波。羅。蜜。舉。念。具。足。究。  
竟。菩。提。發。無。礙。辯。樂。說。無。盡。廣。接。有。情。



出輪迴海同登彼岸過難勝地證佛無  
為現前眾等相與志心等一痛切皈命  
敬禮一切諸佛。

南無釋迦牟尼佛 南無金剛不壞佛  
南無金寶光佛 南無金龍尊佛

慈悲地藏寶懺 卷中

四一

南無精進軍佛 南無精進喜佛  
南無寶火光佛 南無寶月光佛  
南無現無愚佛 南無寶月佛  
南無文殊師利菩薩 南無普賢菩薩  
南無師子旛菩薩 南無師子作菩薩

南無虛空藏菩薩 南無觀世音菩薩  
南無地藏王菩薩摩訶薩

禮諸佛已次復懺悔第六者誑習交誣  
誣妄不止心欺造奸則有塵穢屎尿污

言如塵隨風各無所見沉溺騰躍飛墜

慈悲地藏寶懺 卷中

四二

漂淪苦報等事是故諸佛色目欺誑如  
同劫賊菩薩見誑猶踐蛇虺我與眾等  
從無始來至於今日而尤不知欺誑蛇  
虺曾未遠離或隨誑習心計異端口發  
誣言見言不見聞言不聞知言不知作

言不作面是背非哄騙無知背恩負義  
而親不親誑妄說法瞞昧愚倫言已則

高登聖位毀他則墮在凡夫而不知自  
入見坑牽人入獄將招苦報無量無邊

若不懺悔焉可滅除是故今日恭對諸

慈悲地藏寶懺 卷中

四三

佛一一披陳求哀懺悔從今已往真實  
修行智慧現前滿波羅蜜真語實語不  
誑不欺精進菩提悟心地藏  
第七怨習交嫌發於銜恨由忿為先懷  
惡不怠結怨為性不能含忍熱惱奮馳



則有投辭控訴訟及公庭故即飛石投  
礮匣貯車檻甕盛囊幙如陰毒人懷抱  
畜惡報有投擲擒捉擊剝拋撮無間等  
事是故諸佛色目怨恨同違害鬼菩薩  
見怨如飲鳩酒我及眾生無始至今而

慈悲地藏寶懺 卷中

四四

實不知怨恨鳩酒醉無明家怨習交嫌  
相啣相恨結怨結仇或父母邊忤逆不  
孝兄弟姊妹姑姨伯叔眷屬良朋師僧  
共住違教弗訓如是嫌恨未得懺除故  
我今日仰對三寶地藏慈尊鑒我生來

所有怨仇悉皆消滅未結怨業不敢復  
作智慧遠行應念成就方便波羅蜜真  
實證其中具足神力應化十方度諸有  
漏到涅槃山

第八見習交明發於相違相違不止便

慈悲地藏寶懺 卷中

四五

懷戒禁邪悟諸見相反出生如是即有  
主吏官曹辨正文詞考詢邪偽如行路  
人往來相見是見習交報有勘問權衡  
推案察訪對鏡照明承認允伏善惡判  
官及諸童子手執文券辯析謠訛詢訊

等事是故諸佛色目邪見同名見坑菩  
薩見諸虛妄徧計徧執如臨毒壑我與  
眾等無始來今而竟不知邪見交明真  
似毒壑於諸諦理妄計博度執我我所  
起諸邪見著斷著常著空著有戒取見

慈悲地藏寶懺 卷中

四六

取隨事生心撥無因果妄舉邪緣謂是  
正道更有迷明投崖拔髮嘗穢臥薪捨  
身誤爲無益苦行及至命終直墮無間  
如是見業曾或有之故我今日恭對十  
方調御皈命地藏慈尊懺悔邪見邪思



頃成正知正見。某與眾等正心不動。八地高登。願波羅蜜。一生成就。等與含生咸階聖果。俱悟無爲。同歸秘藏。

慈悲地藏寶懺 卷中

四七

第九枉習者。枉習交加。發於欺誑。由欺謗。故內無實心。譽人以善。惟恐不至於天。毀人以惡。尤慮不及於淵。譏毀良善。貶斥沙門。志不忠貞。心存虛僞。如是故有合山。磕石碾磴。耕磨如讒賊。人逼枉賢良。枉習相排。以有捺搥。按蹙。衡度諸事。是故諸佛色目。怨謗同名。讒虎菩薩。見枉如遭霹靂。我與眾等。無始來今。而更不知枉習欺謗的如讒虎。或以枉法。誣陷親朋。讒害師僧。及餘人輩。心無慈忍。慘刻無辜。鰥寡孤獨。橫罹奇殃。致死含冤。難可申訴。如是怨謗業相。無邊故。

慈悲地藏寶懺 卷中

四八

我今者正意誠心。恭對聖筵。發露懺悔。所有枉習。悉使冰消。行願成就。力波羅蜜。不興惡念。更造三途。永攝人天。當修善慧。引導有情。同皈正覺。

第十懺悔。訟習者。訟習交誼。發於藏覆。

不能隱惡揚善。而反嫉善妒能。發宣隱惡。使彼難容。唯恐我不勝人。人便勝我。意氣剛愎。旁若無人。自作之罪。不使伊聞。他違常儀。志願宣布。如是故有鑒證。分明不自藏影。如人日中。毛髮自露。故

慈悲地藏寶懺 卷中

四九

有業鏡。火珠披露。宿業對驗。等事是故。諸佛色目。覆藏同名。陰賊菩薩。見覆如戴高山。履於巨海。我與眾等。自從無始迄於今生。而終不知。訟習妄緣。藏護瑕玼。包含過失。言已則無德不歸。說他則



何惡不有氣質。憍傲目空。無人喧及。公  
私言辭。巧構經年。累世無有。罷期又復。  
發誼私忿。彰露惡形。不顧身命。何憐家  
室。心心相續。意在前人。念念無窮。唯圖  
快己。如是因緣。皆由掉舉。致成重喧。展

慈悲地藏寶懺 卷中

五〇

轉相應。會無暫輟。故我今日。恭對世尊。  
地藏菩薩。始從淫習。終至訟誼。是十習  
因。造百千業。及至地獄。六受交報。及與  
三途。無不由之。一一披陳。重重懺悔。願  
佛菩薩。傾大甘露。沃滅習因。慧燄光明。  
爍破癡暗。行願成就。禪觀精深。智波羅  
蜜。皆悉圓滿。法雲徧界。普蔭群機。法雨  
滋霑。同明道種。修菩薩之願力。證無上  
之菩提。究竟圓成。十地妙行。相與志心。  
等一痛切。五體投地。如泰山崩。皈命頂

慈悲地藏寶懺 卷中

五一

禮一切諸佛。

南無釋迦牟尼佛 南無無量壽佛  
南無無垢垢佛 南無離垢佛  
南無勇施佛 南無清淨佛  
南無清淨施佛 南無娑留那佛

南無水天佛 南無堅德佛

南無旃檀功德佛 南無無量掬光佛

南無文殊師利菩薩 南無普賢菩薩

南無觀世音菩薩 南無金剛藏菩薩

南無無盡意菩薩 南無定自在王菩薩

慈悲地藏寶懺 卷中

五二

南無地藏王菩薩

禮諸佛已。次復懺悔。向來已懺煩惱障。  
竟。次悔業障。今當懺悔報障。經云。假使  
百千劫。善惡業不亡。因緣會遇時。果報  
還自受。故知習因業果。招感不差。所以



世尊而示金鎗馬麥木槩頭疼以斯令人灼然可式何以知然天上五衰相現懺之即脫豬身人間五逆報熟悔之頓除獄報如斯等類彌徧經文故知懺悔實能滅禍而我凡夫以無道眼安辨因

慈悲地藏寶懺 卷中

五三

果唯逐六塵勾引六識趁外六境起內六妄徧造十惡迷失一真罪既憑六根而互造苦還依六識以交嬰云何名六一者眼根見業招引惡果斯見交報是人將終先見猛火彌燄燒空亡者神識

乘煙飛墜入無間中發明二相一者明見徧見惡物刀山炭岌劍樹峩峩亡者神識生無量畏二者暗見寂然不見亡者神識心生恐怖如是見火燒見則為明暗恐怖之色燒聽則為鑊湯融銅振

慈悲地藏寶懺 卷中

五四

響之聲燒嗅則為黑煙紫霧之氣燒舌則為焦丸鐵糜之味燒身則為石灰爐炭之觸燒心則為星火迸灑鼓煽不息之思如是六種一時交受皆由昔者眼貪幻色今報如是伊不懺謝何有出離

而我眾等無始來今或貪幻色心著妄塵玄黃朱紫紅綠鮫綃珍奇寶玩男女容顏馳境好速起非法想造惡無窮招報如上故於今日恭對三寶地藏慈尊懺悔往業從今日去攝心內照不逐外

慈悲地藏寶懺 卷中

五五

塵實境現前見淨妙色發真觀智不染習因得如所願滿菩提果二者懺悔聞報由妄聞習招引惡愆此聞業交臨命終時先見波濤沒溺天地亡者神識降注乘流入無間中發明二



相。一。是。開。聽。聽。種。種。鬧。精。神。愁。亂。二。者。閉。聽。寂。然。無。聞。幽。魄。沈。沒。如。是。聞。波。注。聞。則。能。為。責。為。詰。注。見。則。能。為。雷。為。吼。注。息。則。能。為。雨。為。霧。灑。諸。毒。蟲。周。徧。滿。身。注。味。則。能。為。膿。為。血。種。種。雜。穢。注。觸。則。能。為。畜。為。鬼。為。屎。為。尿。注。意。則。能。為。電。為。霰。摧。碎。心。魄。如。是。皆。由。耳。根。造。業。招。報。而。然。我。與。眾。等。無。始。來。今。或。為。音。惑。宮。商。絃。管。吳。歌。鄭。聲。檀。板。演。劇。男。女。優。伶。妖。嬈。曲。調。種。種。淫。詞。著。境。迷。心。起。非。法。想。造。罪。無。邊。當。報。如。上。故。於。今。日。發。露。披。陳。求。哀。懺。悔。乘。此。聞。熏。俾。我。耳。聞。法。身。之。妙。理。仗。今。懺。法。即。成。般。若。解。脫。之。圓。音。普。化。有。情。同。歸。寂。忍。三。者。嗅。報。交。時。齟。習。業。熟。其。人。命。終。先。

慈悲地藏寶懺 卷中

五七

見。毒。氣。充。滿。遠。近。亡。者。神。識。從。地。湧。出。入。無。間。中。發。明。二。相。一。是。通。嗅。被。諸。惡。氣。熏。極。心。擾。二。者。塞。嗅。氣。掩。不。通。悶。絕。於。地。如。是。嗅。氣。衝。息。則。能。為。質。為。履。衝。見。則。能。為。火。為。炬。衝。聞。則。能。為。沒。為。溺。為。洋。為。沸。衝。味。則。能。為。餒。為。爽。衝。觸。則。能。為。綻。為。爛。為。大。肉。山。有。百。千。蟲。咸。來。啞。食。衝。思。則。能。為。灰。為。瘡。為。飛。砂。礫。擊。碎。身。體。如。是。嗅。業。妄。報。如。向。我。與。眾。等。從。無。始。來。至。於。今。日。或。為。鼻。惑。造。眾。過。

慈悲地藏寶懺 卷中

五八

愆。或。貪。諸。香。沈。檀。降。速。牛。首。蘇。合。麝。臍。龍。腦。雞。舌。馬。蹄。男。女。身。分。姿。態。嬌。柔。徧。逐。幻。塵。造。諸。觸。業。果。報。熟。時。將。何。可。免。是。故。今。日。恭。對。三。寶。求。哀。懺。悔。從。今。已。去。盡。未。來。際。安。那。般。那。常。聞。五。分。法。身。



之香捨生受生永離生死臭穢之氣頓  
絕塵氛長增法味止觀定慧十境圓明  
一息無妄潛通十地  
四者嗜味招引惡果斯味報滿其人命  
終先見鐵網熾火交煎周慢世界亡者

慈悲地藏寶懺 卷中

五九

神識下透鐵網倒挂其頭入無間中發  
明二相一者吸氣結成寒冰凍冽身肉  
二者吐氣飛為猛火焦爛骨髓如是味  
報歷嘗則能為承為忍歷見則能為然  
金石歷聽則能為刀兵刃歷息則能為  
大鐵籠彌覆國土歷觸則能為弓為矢  
為弩為刺歷思則能為飛熱鐵從空雨  
下頭入足出如是味報皆伊過去不信  
佛法妄說聖言貪食酒肉感報而然我  
與眾等無始來今或貪眾生血肉鮮美

慈悲地藏寶懺 卷中

六〇

甘肥妄資四大更增苦本烹黿染指而  
興父子之仇啞酒驚心頓起君臣之絕  
因味造業如是愆尤而我釋子沙門豈  
得貪味類爾是故今日恭對聖賢盡情  
懺悔願從今去蔬食自節羶穢遠離禪  
悅恆餐法喜飽餐四辯宣揚八音敷奏  
應機說法慧命延鴻等與含生同超味  
著  
五者觸報招引惡果觸業熟時是人將  
終先見大山四面來合無復出路亡者

慈悲地藏寶懺 卷中

六一

神識見大鐵城火蛇火狗獅象虎狼牛  
頭馬面手執鐵稍驅入城門向無間中  
發明二相一是合觸合山逼體骨肉血  
潰二者離觸刀劍鋸身心肝屠裂如是  
合觸則能為道為觀為廳為案歷見則



能為燒為然。歷聽則能為擊。為撞。為刺。為射。歷息則能為括。為袋。為拷。為縛。歷嘗則能為耕。為鉗。為斬。為絕。歷思則能為墜。為飛。為煎。為炙。觸業招報。交受。如是。我與眾等。自無始來。或貪花綺錦。繡

慈悲地藏寶懺 卷中

六二

繒。穀。獸。毛。蠶。口。毳。氈。皮。靴。吳。綾。蜀。錦。椒。繭。狐。裘。七。珍。麗。服。細。滑。紬。裳。觸。境。迷。心。起。非。法。想。如。是。罪。惡。無。量。無。邊。故。於。今。辰。恭。對。三。寶。一。披。陳。求。哀。懺。悔。從。今。已。去。披。忍。辱。鎧。踞。法。空。座。入。慈。悲。室。普

化有情同登覺岸。

六者意業招報。此意業交其人。命終先見惡風吹壞國土。亡者神識被吹上空。乘風旋落入無間中。發明二相。一是不覺。迷極則慌。奔走不停。二是不迷。覺知

慈悲地藏寶懺 卷中

六三

則苦無量煎燒。痛深難忍。如是邪思。結想。則能為方。為所。結見。則能為鐵鏡臺。為鑿。為證。結聽。則能為大合石。為冰。為霜。為土。為霧。結息。則為大火車輪。火船。火檻。結嘗。為大叫喚。為悔。為泣。結觸。則

能為大為小。為一日中。萬死萬生。為偃。為仰。如是六種。名曰交報。皆是眾生迷妄所起。三毒為因。十習為緣。因緣交。果報共成。則知虛妄造業。虛妄受報。皆是空華亂翳。實性。然於理境。曾未乖張。

慈悲地藏寶懺 卷中

六四

妄想發生於菩提心。恆非本有。是故某等。既是凡夫。寧知聖道。或因三毒而起。惑。或因十習。以積愆。或從六根。而造罪。必墮四趣。以輪迴。是故我今求哀懺悔。仰願十方三寶。十輪地藏。慈尊。放淨光



明。照。燭。我。等。所。有。愆。尤。自。他。冰。釋。願。乘  
今。之。懺。力。增。道。損。生。究。竟。安。樂。以。金。剛  
智。照。破。無。明。心。地。秘。藏。應。念。圓。成。同。佛  
十。力。四。無。所。畏。十。八。不。共。無。量。功。德。具  
足。六。通。三。達。洞。明。廣。宣。四。辯。度。盡。眾。生。

慈悲地藏寶懺 卷中

六五

然後入滅志心懺悔發願已皈命禮常  
住三寶。

慈悲地藏懺法卷中終

### 讚

十因妄習造罪如山六根交報墮無間  
受苦有誰憐頂禮慈顏因果自酬還  
南無地藏王菩薩摩訶薩三稱

慈悲地藏寶懺 卷下

六六

一念普觀無量劫無去無來亦無住  
如是了知三世事超諸方便成十力  
慈悲地藏懺法卷下  
一切諸佛愍念眾生為說慈悲地藏懺  
法今當皈命一切諸佛。

南無釋迦牟尼佛 南無無量壽尊佛  
南無光明功德佛 南無無憂德佛  
南無那羅延佛 南無功德華佛  
南無蓮華光遊戲神通佛  
南無德念佛 南無善名稱功德佛

慈悲地藏寶懺 卷下

六七

南無紅燄帝幢王佛 南無善遊步功德佛  
南無寶華遊步佛  
南無寶蓮華善住娑羅樹王佛  
南無鬪戰勝佛 南無善遊步佛  
南無周匝莊嚴功德佛



南無文殊師利菩薩 南無大行普賢菩薩  
南無觀世音菩薩 南無棄陰蓋菩薩  
南無無盡意菩薩 南無虛空藏菩薩  
南無地藏王菩薩 禮諸佛已次復懺悔上來已懺惑業報

慈悲地藏寶懺 卷下

六八

竟三障清淨三道停酸今當懺悔鬼畜  
人道三種餘愆是諸眾生皆於過去無  
量劫時非毀律儀破菩薩戒污涅槃性  
壞菩提根乘十習因造無量罪不孝父  
母違逆師長恣殺盜妄美己惡人奸淫

邪污造種種業報入無間受苦萬端歷  
劫燒然受諸苦劇獄報雖盡還墮鬼倫  
仍有十種鬼趣出生若本淫習貪色爲  
因男女相逐放佚成風罪在獄中以經  
塵劫出生人間遇風成魃殺槁田禾燒

慈悲地藏寶懺 卷下

六九

空雨氣枯涸江河欲習致焚於神廟淫  
心累溺於子亡如斯一類名旱魃鬼貪  
財爲因盜竊成習侵公益私不捨悋心  
損人利己如是等業報畢出獄得升人  
間依然鬼道附托金銀玉帛或依草木

成形金精戲於竇義樹神擊於曹瞞如  
斯一類名爲怪鬼若其慢習貪傲爲因  
發於相恃高舉陵人自強傲物身謝命  
終洎報地獄已經沙劫情畢想升依然  
幽隱遇氣成形傲罔不息常抱饑虛縱

慈悲地藏寶懺 卷下

七〇

遇水時還能害己五百年不聞漿水之  
名千萬劫常受饑餒之苦如斯一類名  
曰餓鬼貪習憶業由貪交衝發於相忤  
懷憶不忘造心忿恨展轉爲瞋瞋火燒  
空然成地獄情報罪畢想升人間遇衰



爲患猶依忿氣毒厲傷寒傳屍骨蒸乃  
至生無能以滅賊死有感而威神如斯  
一類名屬志鬼若本詐習性自依奸憑  
虛架妄由調相牽引起惡業招地獄愆  
沈潛億劫受苦無窮情畢想升暫生人

慈悲地藏寶懺 卷下

七一

間遇畜成形詐言禍福狐狸豬狗鸚鵡  
鵠禽公冶長於縲紲裴生脫於羈縻如  
斯一類名爲魅鬼若本誑習貪妄成愆  
多謀陰覆利養自求罔冒權英令人情  
昧凡其幹略自落穀中發於相妄互爲  
是非因遭地獄業報情枯想升人世遇  
幽成形還依臥寐寢俛其人黃梁炊於  
頃刻槐柯吏於終朝如斯一類名魘寐  
鬼若其夙習貪恨爲由懷惡造業結怨  
成仇獄報累己以經多劫情畢想升暫

慈悲地藏寶懺 卷下

七二

處人間遇蠱成形龜蛇怪異災咎逆知  
幽隱纏綿餘習之報智感夢於明王身  
難脫於鼎鑊如斯一類名蠱毒鬼若本  
明習覆心成業內外正典異見邪生雖  
事經緯出生常反撥無因果違拒戒常

墮在獄中情畢想升方爲鬼道遇明成  
形日月薄蝕山澤妖神黃石符於秘術  
青囊妙於玄箴如斯一類名魍魎鬼由  
因本習貪成爲緣誑僞之業枉狎巫禡  
舉枉錯直率己欺人擾害無辜證述其

慈悲地藏寶懺 卷下

七三

罪而茲造惡以報無間情畢想升出生  
人間伶伴役卒運石搬沙塞澗填河鞭  
山入海錢王射於水鬼秦始皇策於山靈  
如斯一類名役使鬼由因宿習貪黨成  
群攻發人之隱惡樹黨己之兇倫斯其



造罪獄治情枯想升人世傳送成形如  
世扶箕巫祝童戲卜算吉凶休咎禍福  
指顧陰陽九流雖示於趨避然皆墮落  
於偏邪如斯一類名傳送鬼如是十類  
鬼人皆由迷真逐妄幻作幻成枉構是

慈悲地藏寶懺 卷下

七四

非俱從情想洎受獄愆還依鬼趣業火  
煎燒報滋逮盡餘波未竭墮十類中故  
我今日恭對三寶地藏慈尊一一披陳  
重重懺悔過去十習一併銷除未來鬼  
身永不復受脫幽沈之苦趣隨所願以  
遨遊念念修行心心善道同得法忍乃  
至菩提永絕情源長泛覺海我與眾等  
重復志誠五體投地皈命敬禮一切諸  
佛。

南無釋迦牟尼佛

南無阿彌陀佛

慈悲地藏寶懺 卷下

七五

南無一切智成就佛  
南無蓮華清淨目佛  
南無智慧光明佛  
南無福德光明佛  
南無師子吼自在王佛

南無覺華自在王佛  
南無師子奮迅具足萬行佛

南無文殊師利菩薩  
南無觀世音菩薩  
南無無盡意菩薩  
南無無財首菩薩

慈悲地藏寶懺 卷下

七六

南無本尊地藏王菩薩  
禮諸佛已次復懺悔向來已懺鬼道罪  
竟今當懺悔畜道愆尤所以然者獄治  
情枯鬼懲想竭則情與想二妄俱空方  
出人間便為畜道與元負人怨對相逢



酬償夙債亦有十種旁生異類而怪物之鬼物銷形滅來生人間多為梟類未亡餘習貪塊為兒啣蟲作子一概異怪是等畜生我今為其發露懺悔往習銷除乘地藏之慈力脫苦類於梟禽究竟

慈悲地藏寶懺 卷下

七七

本元得心自在若風魅之鬼風銷鬼滅來生人間多為咎徵群雀知儉眾鼠鳴荒鷓鴣致水石燕應風鶴舞多旱虹架物消其類匪一總曰咎徵乘今發露願出迷倫得法自在隨願超登若其媚鬼

畜死物亡來生人間詐習成形鬼仍諂媚所依既滅畜受狐身貓狸犬屬乞濟依人諂媚千求統名狐畜懺悔感佛恩消宿世習因後不受果若其蠱類毒消形亡來生人間還名畜類蚘蛇蝮蝎潛

慈悲地藏寶懺 卷下

七八

龍虎豹螫蠱於人如是怨習展轉難忘乘某等之懺力脫異類之匪身漸漸契真不沈惑妄又復懺悔衰癘之鬼脫生人間名為蚘類瞋習所使鬼為衰癘入人身中還受畜生復托身中為蚘蟻屬

瞋習剛復畜報柔蟲因果迭逢翻覆間爾如是等習願懺消除乘佛慈恩即得心樂受氣之鬼氣消物故來生人間都為食類貪慢是因饑虛其果身供庖廚故名食類肌膚充饋骨肉給餐鱗甲毛

慈悲地藏寶懺 卷下

七九

禽雞鵝魚鼈牛羊豬屬枉罹刀砧慢習餘波沈淪畜報如是等眾為其懺悔所有枉業罪悉冰消若綿幽之鬼魂滅幽消來生人間都為服類鬼受幽纏仍為魘魅幽默既消顯為服類駝驢牛馬蠶



繭貂裘幽隱不明故墮異屬誑習是因。故傳服果承今懺力滌昔因緣仗地藏之鴻恩獲天倫之極樂靜心綿密照性無爲到菩提鄉出生死海次復懺悔和精之鬼見習夙因今爲畜類節序猶知。

慈悲地藏寶懺 卷下

八〇

春來紫燕夏至黃鶯秋返霜鴻而庠序冬藏雪雀以徘徊蛤鵲交形蜻蜓異質逐時變化隨類易生若夫明靈之鬼明滅魂消生於人世多爲休徵因乘枉習果托明生以爲驅使鬼道業盡畜報休

徵祥瑞將至預有徵明鳳出周興麟生聖產林鵲報乎人喜蜘蛛垂乎禧祺如是一類盡曰休徵我今頂禮懺法爲其洗滌宿因頓復明心旋歸性地永依聖教不墮輪迴妙契無爲入心地藏依人

慈悲地藏寶懺 卷下

八一

之鬼人亡鬼滅生在世間多爲馴類訟習之因鬼招傳送今已爲畜報質黠慧頻伽美韻鸚鵡巧言鵠能誦佛獼猴學人雖號靈禽爲人所畜然上十類皆因妄情冰結習業劇招枉逐三塗無窮火

業情水燒枯酬償夙債尚作畜生因人而畜故號畜生形旁行故曰旁生皆由妄業之所招感於心地秘藏總是空華於空華體上寧存實果是故今來某與眾等先懺鬼道次懺畜生企伊同悟。

慈悲地藏寶懺 卷下

八二

十習妄因即生同證一乘實果又復應知如上鬼畜各償先債報滿之時復還人道就人道中亦有十種差別若過去世曾負其財或役其力酬足自停於先世時或殺彼命或食其肉如是乃至經



微塵劫相食相誅猶如井輪互為高下。盡未來時莫能止遏除斯懺悔解脫何期。是故某等志心禮拜為其發露求哀懺謝宿業既淨便升人道夫人道生者蓋因常戒為正因緣今三途盡亦得為

慈悲地藏寶懺 卷下

八三

人而有愚者言惡業苦盡自得為人何須修善植福方作人天善路如其想念罪真不輕然人道在世總報雖同智愚迥異故有貴賤十種分別今者三途報盡故曰得昇乃是餘業旁受誠非正因緣生是故經云標名參合眾等當知彼梟倫者酬足復形生人道中參合頑類然因貪物鬼托怪形畜生土梟今復人身其性顛蒙參合頑囂心亡德義志豈存仁不孝不忠無廉無恥任意喧囂貪

慈悲地藏寶懺 卷下

八四

習之故彼咎徵者酬足復形生人道中參合蒙癡宿習貪淫鬼受魘精上為畜生災咎之應業盡復人猶為愚癡著淫欲故不修餘善故招愚鈍知善不從教誨違戾背條反律如醉如癡故曰愚魯

彼狐倫者酬足復形生人道中參合凶狠獄治詐習鬼托媚倫類入旁生狐狸所攝今為人趣凶狠交參剛愎自用不受人諫自專自用真賤庸人彼毒蠱者報畢復形生於人道參合傭類怨習是

慈悲地藏寶懺 卷下

八五

因蠱毒為果旁生畜道蝮蛇是形今復人身襍充伴賤為人驅使自歷飢寒是昔餘殃今招卑賤彼蛔倫者生人道中參合微類貪瞋為習鬼報衰癘蟻蛔成畜柔弱為人人不齒錄不自寒暑憑他



飽餒。剛復。翻柔。因果。迭奏。彼食。倫者。酬  
償。自足。亦為。復形。生人。道中。參合。柔倫。  
貪慢。習因。餓鬼。感果。空腹。高心。無實體。  
性畜。報食。彝為。人柔。弱蓋。因貢。高而。招  
一懦。強弱。歷然。誰肯。信者。若彼。服倫。酬

慈悲地藏寶懺 卷下

八六

足復。形出。生人。道參。合勞。屬虛。妄誑。因  
鬼為。幽魘。畜承。服忍。人受。勤劬。役力。艱  
辛百。工技。藝諸。務雜。儔寒。暑策。驅故。曰  
勞類。彼應。倫者。酬足。為人。參合。文明。因  
從見。習鬼。落和。精魍。魎報。終畜。召應。物

參合。人道。綽有。文聲。非正。因緣。故名。參  
合若。其休。徵亦。復為。人參。合明。倫枉。習  
因由。明靈。果報。驅馳。役使。無暫。停休。畜  
招點。慧人。受聰明。考古。尋今。毫無。差舛。  
彼循。倫者。酬足。復人。參於。達類。由因。訟

慈悲地藏寶懺 卷下

八七

習鬼。報依。人符。祝傳。詞咒。彰禍。福畜。報  
夙因。人達。窮通。榮辱。不驚。猶知。進退。如  
辟穀。於深。山或。乘桴。於滄。海如。是一。類  
故曰。達倫。然上。十種。皆過。去劫。未聞。佛  
法不。假僧。修任。十習。之妄。因造。十種。之

劇業。幻受。泥犁。情竭。想升。還為。鬼道。鬼  
道報。盡復。還畜。生畜。生報。終旋。復人。身  
雖復。人身。十種。迥異。皆由。妄執。顛倒。十  
使為。緣致。造十。惡汝。負我。命我。負汝。財  
相生。相殺。致妄。作妄。為不。遇佛。乘未。聞善

慈悲地藏寶懺 卷下

八八

法遠。離僧。修偏。任習。因於。塵牢。中法。爾  
流轉。寧免。佛言。深可。憐愍。故我。今者。遵  
三寶。之垂。教依。地藏。之圓。經發。等慈。之  
願力。懺同。分之。習因。始從。三惑。六根。以  
至十。惡五。逆與。夫三。道輪。迴三。界險。趣



升沈往復未獲出離仰冀三寶聖賢俯  
賜證明懺悔使某等夙障消除頓空三  
惑三觀圓明三諦頓顯十身悉備於今  
生十界同臻於常樂隨諸菩薩斷惑證  
真懺悔已皈命禮諸佛及地藏菩薩摩

慈悲地藏寶懺 卷下

八九

訶薩。

南無本師釋迦牟尼佛  
南無阿彌陀佛  
南無彌勒尊佛  
南無過去七佛  
南無十方十佛  
南無三十五佛  
南無五十三佛

南無百七十佛  
南無賢劫千佛  
南無星宿劫千佛  
南無三世諸佛  
南無地藏經中一切諸佛  
南無十方諸大菩薩  
南無文殊師利菩薩

慈悲地藏寶懺 卷下

九〇

南無普賢菩薩  
南無觀世音菩薩  
南無大勢至菩薩  
南無無盡意菩薩  
南無虛空藏菩薩  
南無無能勝菩薩  
南無無邊身菩薩  
南無地藏王菩薩  
禮諸佛已次復懺悔上來已懺三障及

與十惡六根交報鬼畜人道種種餘報  
乘茲懺力淨盡消除惑業果報永不復  
爲願令六道四生各各具足功德智慧  
神通願力同與菩薩隨心自在地藏本  
願經云若未來世比丘比丘尼善男子

慈悲地藏寶懺 卷下

九一

善女人童男童女諸不自在者聞我名  
號見我形像燒香散華供養世尊禮拜  
懺悔者不唯滅除先世罪因苦果即其  
現生之中獲得二十種勝妙善利一者  
天龍擁護疾病不生二者善果日增福



衍餘慶三者深植信根華敷果實四者  
衣食豐足不招貧乏五者災難消除身  
心舒暢六者離水火災居處常寧七者  
盜賊不侵烽煙殄滅八者人見欽敬遵  
道行仁九者酬償夙負安樂身心十者

慈悲地藏寶懺 卷下

九二

先亡得度奕葉芳馨十一女轉男身不  
生邊鄙十二報滿生天志行十善十三  
宿命智通敏修正教十四所求皆得遂  
意圓成十五眷屬康寧憂虞屏息十六  
諸枉消亡履止貞吉十七寤寐神安身

心猛利十八自他壽命躡蹶永離十九  
菩提不退道果漸成二十等行慈善畢  
竟成佛故我今日率諸淨信皈依三寶  
地藏慈尊證知我心遂其成就如上種  
種悉皆應現又復無始以來至於今日

慈悲地藏寶懺 卷下

九三

由愛見故內計我人外逐惡友懈怠懶  
惰不能精進修行隨喜善法事理沈疑  
故今發心隨喜至善慶己慶人慶己則  
於理無違慶人則造事修心循理能契  
始本二覺造事能融境智十如故我今  
日發心隨喜十方一切諸眾生二乘有  
學及無學一切如來與菩薩所有功德  
皆隨喜。

隨喜已。皈命禮三寶。及地藏慈尊。起禮一拜。

又復皈依十方三寶誓生願生一切菩

慈悲地藏寶懺 卷下

九四

薩哀憐攝受隨喜心已次當勸請十方  
三寶十地聖人常住在世是諸聖賢教  
化我等利益群品故我今日至心勸請  
十方所有世間燈最初成就菩提者惟  
願久住剎塵劫利樂一切諸眾生勸請已



又復皈依如是三寶上來懺悔隨喜勸  
請已竟今當發回向心何以故爾一切  
眾生不能優游解脫者皆由著於果報  
所以不能捨離凡有一毫之善能回向  
菩提則所修善業不復繫著輪迴事絕  
慈悲地藏寶懺 卷下 九五

經云修行回向成大福果我今所修微  
善亦當回向兼勸一切莫復貪著所有  
懺悔及與隨喜勸請因緣皆悉回向性  
相佛法及僧伽二諦融通三昧印如是  
智慧功德海回向眾生及佛道回向已  
如前

又復皈依三寶聖賢既發回向心竟今  
當發無上菩提願心經云有願無行其  
願必虛有行無願其行亦妄虛妄行願  
何能剋果故我今日宜發大願以願輔  
行行助願成行願圓修契真妙果以此  
慈悲地藏寶懺 卷下 九六

願行功德因緣各各具足智慧神通諸  
佛行願從心滿足又願生生世世在在  
處處以佛慈悲拔諸眾生三塗之苦與  
諸眾生二善之樂究竟菩提成無上道  
又願生生世世在在處處令一切眾生  
所有無明煩惱令斷無餘致顯三諦又  
願生生世世在在處處咸令一切眾生  
從聞思修一切法門無不深詣又願生  
生世世在在處處令諸眾生信解行證  
無上聖道開示悟入佛之知見究竟常  
慈悲地藏寶懺 卷下 九七

樂我淨顯明心地秘藏證入其中又願  
生生世世在在處處應生國土每值有  
道國王儲君宰職興顯佛法尊敬大乘  
獎導沙門廣行教化又願生生世世在  
在處處令某甲等內外三術一念備足  
慈悲地藏寶懺 卷下 九八



三觀圓明。三諦頓顯。究極心地。竟登秘藏。又願生生世世。在在處處。乘菩薩力。誓生娑婆。及與他方。上弘佛道。下化眾生。究竟圓常。等歸寂滅。上來懺悔。已至發願。廣大如法。性究竟等。虛空窮未來際。滿菩提願。同佛菩薩。入秘密藏。慈悲地藏懺法卷下終

慈悲地藏寶懺 卷下

九八

### 讚

地藏懺法三卷。周圓恩資。九有與人。天福利廣。無邊功德。攸玄惟願。永流傳南無地藏王菩薩摩訶薩。三稱七佛。滅罪真言。

慈悲地藏寶懺 卷下

九九

### 補闕真言

南謨喝囉怛那哆囉夜耶。佉囉佉囉俱住。俱住摩囉摩囉。虎囉吽賀賀蘇怛拏。吽潑抹拏娑婆訶。滅定業真言。鉢囉末鄰陀寧娑婆訶。

### 三皈依

自皈依佛。當願眾生。體解大道。發無上心。自皈依法。當願眾生。深入經藏。智慧如海。自皈依僧。當願眾生。統理大眾。一切無礙。和南聖眾。

慈悲地藏寶懺 卷下

一〇〇



願ヲ以テ回シ向ス偈ヲ

上ニ報ス四重功徳

若ク有テ見ル聞ク者ニ

盡ス此ノ一ノ報身

莊嚴佛淨土ヲ

下ニ濟ス三途苦ヲ

悉ク發ス菩提心ヲ

同ニ生ス極樂國ヲ



慈悲地藏寶懺 功德主名錄：

八四、〇〇〇元：郭育伶。

一、一〇〇元：佛陀教育基金會。

以上共計台幣：八五、一〇〇元，恭印一、〇〇〇本。

委印文號：103074

迴向：天下和順，日月清明，風雨以時，災厲不起，國豐民安，兵戈無用，崇德興仁，務修禮讓，國無盜賊，無有怨枉，強不凌弱，各得其所。  
祝願法界一切有情，所有六道四生，宿世冤親，現世業債，咸憑法力，悉得解脫。  
祝願現世者增福延壽，發菩提心，常隨佛學，勤修精進，利濟群生。  
祝願已故者往生淨土，同出苦輪，共登覺岸。

附記：本會接受善信委託，代印經書、佛像，其必要之費用，均經本會審慎評估；若有結餘，均續作本會之印(購)經書及運費使用，為施主廣積陰德，歡迎十方大德善加利用。

普為出資及讚誦受持

輾轉流通者回向偈曰  
願以此功德  
消除宿現業  
增長諸福慧  
圓成勝善根  
及與饑饉等  
悉皆盡滅除  
人各習禮讓  
讚誦受持人  
輾轉流通者  
現眷咸安樂  
先亡獲超昇  
風雨常調順  
人民悉康寧  
法界諸合識  
同證無上道

佛曆二五五八年(西元二〇一四年四月)

慈悲地藏寶懺

發行人：簡豐文

出版者：財團法人佛陀教育基金會

地址：100 台北市杭州南路一段五十五號十一樓

網址：http://www.buddaedu.org

E-mail: buddaedu@buddaedu.org

電話：(02)23951198

傳真：(02)23951198

郵局調撥帳號：07694979

銀行帳號：045004597503

本會經書免費結緣之請取方式如下：

(一)親臨本會三種請取：

(二)撥打電話：(02)23951198 分機：11、12

(三)網址：http://www.buddaedu.org/books/

(四)網路：http://www.buddaedu.org/books/

為提高服務效率，請您詳讀各章，慎選所需經書；儘量少用電話，多利用文字方式請取，並請詳寫經書名稱、冊數及收件人姓名、地址、電話、郵遞區號，以減少本會之處理時間；若大量申請，請註明用途，自避免姓名、地址等文字上書寫之錯誤。

◎本會經書，歡迎翻印(請勿增刪)，贈送流通，功德無量。

◎本會交通：

※捷運：善導寺站5號出口，至杭州南路右轉，過兩個紅綠燈。

※公車站牌：會計部站—212、290、292、205、276、605、257、262

台北商業技術學院—253、297、237、小坡路一段—297、253

仁愛、杭州南路口經典路口—630、210、263、245、621、651、37、261

行政院新聞局出版事業登記證局版臺業字第三八六九號

